


Askari ba aroma nibo bakariitie kaburi. Riu gutiwe uringi gutonya ndene kana auma oome.



19

Rugono ruru rurindithirira aja, rurindithirua ruri na kiao muno. No murungu arathithia untu bwa kurigaria. Jesu atakara Kaburine akuete.



20

Thaa cia ruukiri ntuku ya mbere ya kiumia kiu, ariitwa banwe ba Jesu barethiira iiga ririti kaburine. Bagutega ndene Jesu ataari kuu kaburine.



21

Mwekuru umwe arakaira akiriraga au kaburine. Jesu aracionekania kiriiwe! Aramatuka akenete muno kwira aritwa bauu bangi. "JESU NIARIUKITE! JESU AGUCOOKA KUMA KIRI BARIA BAKWITE!"



22

# Pasaka ya Mbere



## Pasaka ya Mbere

Karugono kuuma kiri kiugo kia Murungu, iuku ria Ngai

koneekete kuuma

Mathayo 26-28, Luka 22-24, Johana 13-21

"Witikio bwa kiugo kiawe nikio utheeri," Zaburi 119:130

Riandikitwe ni Edward Hughes  
Rionanitwe ni Janie Forest

Ritauritwe ni Florence K. Arimi  
Ruamukiri ni Lyn Doerksen

Rugono rwa 54 kiri 60

**M1914.org**

**Bible for Children, PO Box 3, Winnipeg MB R3C 2G1 Canada**

Laisence: Niwitikiritwe gukobia kana kuritithia rugono ruuru, bunka ruti rwa kwendwa.

Oorio Jesu areja kiri aritwa bawe, arabonia arama cia micumari njareni ciawe. Niima. **JESU NIARIUKITE OKAIRI!** Aramurekera Petero tontu bwa kumukaana, naa areera ariitwa bawe beere muntu wonthe mantu jawe. Areeta Iguuru matuine naria aumiite.

23

Murungu niiji nituthithitie mantu jamathuuku, jaria eetaga meeyia. Mucaara jwa meeyia n gikuu.

Murungu niatwendeete muno, nikio atumiire mwaana wawe, Jesu, atukwiiriira mutharabene na aturiira meeyia jetu. Jesu arariiika and areeta Iguuru! Naandi Murungu no aturekeere meeyia jeetu.

Keethira nukwenda kuirriira meeyia jaaku, ira Murungu uju: Iigwe Murungu nguikikia Jesu niakuire na ariiuka kairi. Ndaromba wiije ndeene ya mwooyo jakwa na undekeere meeyia jakwa nikenda nkaagia na utuuro bubweru na ntuku imwe nkeeja ntuure nagwe kenya na kenya. Nteetheria nkuathikire na nguturiireta mwana waku. Ameni. Johana 3:16

Thooma Iuku ria Murungu na waarie na Mwathani ntuku cionthe!


Meru

Mwekuru uju araruungama karimene iguru antu kwari na gituma, metho jawe jari na kwithikiira na ategeete iguru kwari na mantu jakarikaga jatabuui.



1

Mwana wawe niakujaga. Ng'ina ari Maria, naa ararungama akuui na aria Jesu acuuritwe mutharabene.



2




Mantu jaja jonthe jakarikire atia? Natia Jesu oombire kuriikia utuuro bwawe na njira iji itabuui? Niatia Murungu etikiriirie mwana wawe acuurwe mutharabene akua? Nika Jesu athukiirie nakurega kuuga wee arii uu? Nika Murungu aagwire?

3




Aari! Murungu atagwire. Na Jesu guti makosa athiithitie. Jesu niiji akoragwa ni antu ba mantu jamathuku. Kuma Jesu ariimwana, mukuuru Simeon nieriite Maria mantu jauu nijari jakariike.

4



Ntuku inkaii mbere ya Jesu ooragwa, kuri mwekuru wetiire aramwituririira maguuta ja gooro muno maguruune jaawe. "Ni mbeeca akuinyangia" ariitwa bawe barauga. "Akuthithia ngugi imbega" Jesu barateeta. "Athiithia oo niuntu bwa mathiko jakwa." Biugo bia kuriigaria!

5




Nyumeene, Judas, uumwe wa ariitwa ba Jesu, areetikiirwa kuendia Jesu tuabu 30 twa thaabu kiiri athinjiri bria baneene.

6




Nikwari na kigongoana kwa ayaudi, Jesu niariire iriio biawe bia muuthia na ariitwa bawe. Arabeera mantu ja kurigaria ja Murungu na wiirigiro bwawe kiiri baaria bamwendete. Jesu arabanekera muugate na ndibei nikenda bagaana.

7




Okaiiri Jesu areera acoore bawe ati kuri boo bakamwendia na bagatoroka. "Nii ntiuura," Petero arauga. "Mbeere ya nguuku igamba, ugankana maiita jathatu" Jesu raamwira.

8



Nyumeene oo utuku buu, Jesu areeta kuromba muundene jwa Gethisemane. Ariitwa baria bari nawe baramaama. "Ui Baba wakwa," Jesu araroomba, "Riita gikombe giki kuma kiri nii. Noo, tikuenda gwakwa, noo tauria gwe wendete."

9



Igiita riti riraja antu babaingi baratonya kamundeene, batongeretwe ni Judasi. Jesu gutiu areega, no Petero aragiita guutu kwa umwe waao. Akiriirite, Jesu aratongithia guutu kwa muntu uria na aramworia. Jesu niiji kugwatwa kwawe ni kwenda kwa Murungu.

10



Antu bau baraiikia Jesu nyomba ya Muthinjiri. Auu, anene ba Ayaudi barauga Jesu oragwe. O au akwii, Petero aruungi karuteere ka mwanki jwa ariiti baa ngugi ategeeta uria gugwita naa mbere.

11



Maita taa jathatu antu bategete Petero na baramwira, "Onagwe niwaari na Jesu!" maita jathatu Petero arakaana, otauria Jesu augite. Petero araruumana na mijiitwo.


12



Kuu-Kuu-Kuu-Kuu

Oorio, nguku irakurura. Juu jwari ta mugambo jwa Murungu kiri Petero. Akuririkana miigambo ya Jesu oria amwirite Petero arariira na murimo.

13




Judasi araigwa ari na kieba. Niaji Jesu ataari na meehia kinya jariku. Judasi aracokeria athiinjiri tuabu turia 30 no batetikire. Judasi arageera mbeca iu nthi, aruma oome - na araicuuria.

14




Athinjiri barareta Jesu kiri Pilato, ngabana wa aroma. Pilato arauga "guti uthuku kinya ndiroon no buriku bwa muntu uju." No antu bareeta mbere nakuuga, "niambwe mutharaba! niambwe mutharaba!"

15




Muthiene Pilato areetikiria, arauga Jesu ambwe mutharabeene. Askari barajukia Jesu bakimutujagira mata uthiu, na kumuura. Barathondeka kirauni kia miigwa imiraja muno na baramwikira kiongo. Baramuringira micumari kiri muthalaba nikenda akuue.

16



Jesu niiji agaakua ona njira iu. Na niiji gikuu kiawe gikareeta urekeri kiri eehia baria bamwitikitie. Aamba bairi baracuurwa mutharabeene na Jesu. Umwe nietikitie Jesu - areeta iguru ria gikeno. Ou uungi atetikitie Jesu.

17



Nyuma ya mathaa jamakai ja kuthangiika, Jesu arauga, "Mantu jakuthira," na arakua. Ngugi yawe nthiguru irarika. Acoore baramuthika kaburine ka mwanya.

18